



Informativni bilten Općine Maglaj



S A D R Ž A J

- Općinski načelnik Maglaj učestvovao na „Prvom susretu prijateljstva“ u Italiji
- Vlada Zeničko-dobojskog kantona na čelu sa premijerkom Mehmedić posjetila Općinu Maglaj
- Ambasador Murphy sa 20 gradonačelnika i načelnika iz cijele BIH: U saradnji sa USAID-om dogovorena tehnička podrška za uključivanje dijaspore u lokalni razvoj
- Nastaviti dobru koordinaciju u cilju unapređenja sigurnosti učenika i zaposlenih u obrazovanju
- Zakazana 27. redovna sjednica Općinskog vijeća Maglaj
- Ministar Nerin Dizdar i Općinski načelnik Maglaj potpisali ugovore o udruživanju sredstava za četiri projekta
- Održan nastavak 27. redovne sjednice Općinskog vijeća Maglaj
- Premijer Vlade FBiH posjetio općinu Maglaj
- Zakazana 28. redovna sjednica Općinskog vijeća Maglaj
- Svečano otvoreno 51. Studentsko ljeto u Maglaju
- Održan nastavak 28. redovne sjednice Općinskog vijeća Maglaj



OPĆINSKI NAČELNIK UČESTVOVAO NA PRVOM SUSRETU PRIJATELJSTVA U ITALIJI



Mirsad Mahmutagić, Općinski načelnik Maglaj, zajedno sa načelnicima općina Tešanj i Zavidovići, učestvovao je na „Prvom susretu prijateljstva“ u općini Rogno u Italiji.

Ovaj susret je održan u organizaciji Udruženja "Ljiljan", kao rezultat ranije potpisanog sporazuma općina: Zavidovići, Tešanj i Maglaj sa italijanskim općinama: Angolo Terme, Costa Volpino, Rogno, Selero i Pian Camuno o razmjeni i saradnji na sportskom, kulturnom, turističkom i ekonomskom planu.

U programu manifestacije, održano je i takmičenje mladih sportista iz ovih općina, nastupi kulturno-umjetničkih društava, radni sastanci načelnika općina, kao i druženje sa građanima Maglaja, koji trenutno žive i rade u ovim mjestima. Također, otkrivena je i spomen-ploča "Cvijet Srebrenice", u znak sjećanja na žrtve genocida.

Općinski načelnik se zahvaljuje mladim sportistima koji su općinu Maglaj predstavili u košarci, odbojci i karateu.

Na kraju susreta, dogovoren je nastavak saradnje, mogući zajednički projekti i posjeta općini Maglaj.

VLADA ZENIČKO-DOBOJSKOG KANTONA NA ČELU SA PREMIJERKOM MEHMEĐIĆ POSJETILA OPĆINU MAGLAJ

Članovi Vlade Zeničko-dobojskog kantona na čelu s premijerkom Amrom Mehmedić danas su bili u prvoj zvaničnoj posjeti Općini Maglaj, gdje su sa Mirsadom Mahmutagićem, Općinskim načelnikom Maglaj i njegovim saradnicima razgovarali o saradnji i zajedničkim projektima. Sastanku su prisustvovala i Svjetlana Zamboni, predsjedavajuća Općinskog vijeća Maglaj i Aida Bašić, dopredsjedavajuća Općinskog vijeća Maglaj.

Amra Mehmedić, premijerka Zeničko-dobojskog kantona, istaknula je kako su sve općine i gradovi podjednako važni.

„Mi smo svjesni činjenice da najveći dio potreba lokalnog stanovništva se rješavaju u općini Maglaj, a da Vlada Zeničko-dobojskog kantona mora biti partner načelnicima i gradonačelnicima, kako bismo što bolje ispunili preduslove za poboljšanje kvaliteta života svih građana. Sve su nam općine i gradovi jednako važni i naše opredjeljenje je da bez obzira ko je na vlasti u Zeničko-dobojskom kantonu, nijedna općini niti grad ne smije ostati zanemaren“, istaknula je premijerka Mehmedić.





Mirsad Mahmutagić, Općinski načelnik Maglaj, izrazio je zadovoljstvo ovom posjetom i rekao da je ova Vlada u startu pokazala kako je servis građana i lokalnih zajednica.

„Već u prvih nekoliko mjeseci, Vlada Zeničko-dobojskog kantona pokazala je da će vrijedno raditi na rješavanju nagomilanih problema građana, privrednika, te da će unaprijediti sport, kulturu, poboljšati položaj boračke populacije i raditi na efikasnijem razvoju zdravstvenog sistema. Vjerujem da ću i ja sa svojim saradnicima i Općinskim vijećem Maglaj dati svoj doprinos procesima koje ćete vi, kao Vlada voditi, te da će to sve rezultirati razvojem općine Maglaj“, rekao je Općinski načelnik Maglaj.

U drugom dijelu sastanka, predstavnici Općine Maglaj informisali su prisutne o strateškim opredjeljenjima i značajnim projektima, koji zahtjevaju finansijsku pomoć i podršku Vlade Zeničko-dobojskog kantona.

AMBASADOR MURPHY SA 20 GRADONAČELNIKA I NAČELNIKA IZ CIJELE BOSNE I HERCEGOVINE: U SARADNJI SA USAID-OM DOGOVORENA TEHNIČKA PODRŠKA ZA UKLJUČIVANJE DIJASPORE U LOKALNI RAZVOJ

USAID je potpisao memorandume o partnerstvu sa 20 jedinica lokalne samouprave, sa kojima će zajedno razvijati lokalne grant programe i podržati aktivnosti uključivanja dijaspore u ekonomski i društveni razvoj lokalnih zajednica. Jedna od potpisnica je i Općina Maglaj. Prilikom susreta u Sarajevu, ambasador Sjedinjenih Američkih Država Michael Murphy se sastao sa načelnicima i gradonačelnicima partnerskih zajednica, gdje su razmijenili ideje i očekivanja ovog novog modaliteta saradnje kroz USAID projekat „Diaspora Invest“.

„USAID projekat „Diaspora Invest“ će osnažiti kapacitete jedinica lokalne

samouprave za efikasno uključivanje dijaspore u lokalni razvoj. Zajedno sa partnerskim lokalnim zajednicama, USAID će podržati uspostavljanje lokalnih fondova za podsticanje investicionih projekata dijaspore u partnerskim lokalnim zajednicama. Radićemo na podršci jedinicama lokalne samouprave da podstaknu direktna ulaganja dijaspore i druge oblike doprinosa dijaspore lokalnom društvenom i ekonomskom razvoju u svrhu omogućavanja novih investicija, otvaranja novih radnih mjesta i intervencija u smislu transfera znanja, prema međusobno usaglašenim osnovama”, napominju iz Projekta.



NASTAVITI DOBRU KOORDINACIJU U CILJU UNAPREĐENJA SIGURNOSTI UČENIKA I ZAPOSLENIH U OBRAZOVANJU

Na inicijativu Mirsada Mahmutagića, Općinskog načelnika Maglaja, danas je u cilju redovne razmjene informacije i unapređenju sigurnosti učenika i zaposlenih u osnovnim i srednjim školama maglajske općine, održan sastanak Načelnika sa predstavnicima Policijske stanice Maglaj, direktorima i pedagozima osnovnih i srednjih škola, predstavnikom Centra za socijalni rad Maglaj i resorne općinske službe.

Dosadašnja saradnja je ocijenjena uspješnom, ali je i konstatovano da postoje mogućnosti njenog unapređenja. Učesnici sastanka su se usaglasili da je potrebna snažnija koordinacija roditelja i škole, posebno imajući u vidu da je roditelj partner školama u odgojno-obrazovnom procesu.

Nadalje, prisustvo policije u blizini škola je ocijenjeno korisnim i sa ovom praksom i saradnjom sa školama će se nastaviti i u narednom periodu.

Unapređenju sigurnosti okruženja u školama doprinijela bi izmjena i pedagoških standarda, kojim bi u školama bilo osigurano prisustvo socijalnih radnika i psihologa, kao i socijalnih pedagoga u centrima za socijalni rad. Prisutni su se usaglasili da sa ovakvim sastancima treba nastaviti i u narednom periodu, kako bi se, shodno procjenama učesnika, poduzele potrebne preventivne mjere za sigurnost učenika i zaposlenih u obrazovanju.



ZAKAZANA 27. REDOVNA SJEDNICA OPĆINSKOG VIJEĆA MAGLAJ

Dvadeset sedma redovna sjednica Općinskog vijeća Maglaj bit će održana u utorak, 30.05.2023. godine u sali Općinskog vijeća Maglaj sa početkom u 09:00 sati. Predloženi dnevni red sadrži dvanaest tačaka, te vijećnička pitanja i inicijative.

Općinsko vijeće Maglaj bi trebalo razmatrati: Prijedlog Odluke o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ K.O. Strupina općina Maglaj i stručna obrada Zahtjeva Ministarstva za privredu/gospodarstvo Zeničko-dobojskog kantona za izdavanje saglasnosti Općinskog vijeća Maglaj za dodjelu koncesije broj: 04-14-2824-1/23 od 10.04.2023. godine, Prijedlog Odluke o usvajanju djelimične izmjene Regulacionog plana „Kosova“ po zahtjevu Smajić Samila i Smajić Muradifa, Prijedlog Odluke o izmjeni i dopuni Odluke o organizovanju/organiziranju Općinskih službi za upravu Općine Maglaj, Prijedlog Odluke o razrješenju Općinskog pravobranioca Općine Maglaj, Prijedlog Rješenja o razrješenju člana Upravnog

odbora JU „Dom zdravlja“ Maglaj i Prijedlog Rješenja o imenovanju Komisije za izbor na upražnjenu poziciju u reguliranom organu Općine Maglaj.

Također, predviđeno je razmatranje: Izvještaj o radu Javnih ustanova (Dom zdravlja, Narodna apoteka, Narodna biblioteka, Dom kulture i Centar za socijalni rad) za 2022. godinu sa finansijskim pokazateljima utroška sredstava iz Budžeta Općine, Program rada Javnih ustanova (Narodna apoteka, Narodna biblioteka, Dom kulture i Centar za socijalni rad) za 2023. godinu, Izvještaj o realizaciji zaključaka Općinskog vijeća Maglaj za period 01.01.2023. godine do 30.04.2023. godine, Izvještaj o radu Komunalno-sanitarno i vodoprivrednog inspektora za 2022. godinu, Program rada Komunalno-sanitarno i vodoprivrednog inspektora za 2023. godinu, Izvještaj o radu Urbanističko-građevinsko i putnog inspektora za 2022. godinu, Program rada Urbanističko-građevinsko i putnog inspektora za 2023. godinu, kao i *Informacija o stanju zaštite od požara i vatrogastva u općini Maglaj u 2022. godini.*



MINISTAR DIZDAR I OPĆINSKI NAČELNIK MAGLAJ POTPISALI UGOVORE O UDRUŽIVANJU SREDSTAVA



Nerin Dizdar, ministar Federalnog ministarstva raseljenih osoba i izbjeglica i Mirsad Mahmutagić, Općinski načelnik Maglaj potpisali su danas ugovore o udruživanju sredstava za četiri projekta, koja se odnose na izgradnju putne infrastrukture i mostova.

Općinski načelnik Maglaj zahvalio se na podršci i prepoznavanju problema s kojim se susreće povratnička populacija.

"Ugovori o udruživanju sredstava između

Federalnog ministarstva raseljenih osoba i izbjeglica i Općine Maglaj odnose se na izgradnju lokalnih puteva i mostova u nekoliko povratničkih naselja. Realizacijom ugovora višestruku korist donosimo porodicama koje se nalaze u mjesnim zajednicama: Ravna, Oručje, Moševac i Kosova", kazao je Općinski načelnik.

Ministar Federalnog ministarstva raseljenih osoba i izbjeglica istaknuo je da se potpisivanjem

ovih ugovora ističe podrška općini Maglaj.

„Cilj projekta je da Ministarstvo pokaže podršku Maglaju, povratničkoj populaciji i raseljenim osobama, koja je brojna. Maglaj je jedna od općina, koja je tokom agresije na BiH pretrpjela ogromne žrtve i zaslužuje poštovanje“, rekao je Ministar Dizdar.

Ministar Dizdar i Općinski načelnik Maglaj posjetili su Stari grad i „Bontex“, jednu od najuspješnih tekstilnih kompanija.

ODRŽAN NASTAVAK 27. REDOVNE SJEDNICE OPĆINSKOG VIJEĆA MAGLAJ

Dvadeset sedma redovna sjednica Općinskog vijeća Maglaj, koja je započela u maju, nastavila je s radom 08.06.2023. godine. Vijećnici su razmatrali devet tačaka dnevnog reda.

Usvojen je Nacrt Odluke o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lerzolita na ležištu „Klanci“ K.O. Strupina općina Maglaj i stručna obrada Zahtjeva Ministarstva za privredu/gospodarstvo Zeničko-dobojskog kantona za izdavanje saglasnosti Općinskog vijeća Maglaj za dodjelu koncesije broj: 04-14-2824-1/23 od 10.04.2023. godine koji je upućen u javnu raspravu.

Također, vijećnici su usvojili: Odluku o usvajanju djelimične izmjene Regulacionog plana „Kosova“ po zahtjevu Smajić Samila i Smajić Muradifa, Odluku o razrješenju Općinskog pravobranioca Općine Maglaj, Rješenje o razrješenju člana Upravnog

odbora JU „Dom zdravlja“ Maglaj, Odluku o pokretanju procedure izbora i imenovanja jednog člana Upravnog odbora JU Dom zdravlja Maglaj, Rješenje o imenovanju Komisije za izbor na upražnjenu poziciju u reguliranom organu Općine Maglaj, kao i Izvještaj o realizaciji zaključaka Općinskog vijeća Maglaj za period 01.01.2023. godine do 30.04.2023. godine.

Potrebnu većinu nisu dobile sljedeće tačke dnevnog reda: Izvještaj o radu Komunalno-sanitarno i vodoprivrednog inspektora za 2022. godinu, Program rada Komunalno-sanitarno i vodoprivrednog inspektora za 2023. godinu, Izvještaj o radu Urbanističko-građevinsko i putnog inspektora za 2022. godinu, kao i Program rada Urbanističko-građevinsko i putnog inspektora za 2023. godinu. Informacija o stanju zaštite od požara i vatrogastva u općini Maglaj u 2022. godini primljena je k znanju.

Na kraju sjednice, postavljena su vijećnička pitanja i pokrenute vijećničke inicijative.



PREMIJER VLADE FBIH POSJETIO OPĆINU MAGLAJ



Nermin Nikšić, premijer Vlade Federacije BiH danas je posjetio općinu Maglaj i sa Mirsadom Mahmutagićem, Općinskim načelnikom Maglaj obišao kompaniju Natron-Hayat, Trg Alije Izetbegovića u Starom Gradu, te lokaciju gdje bi se trebao graditi most preko rijeke Bosne.

Mirsad Mahmutagić, Općinski načelnik Maglaj, zahvalio se premijeru na dolasku i istakao: „Zajedno smo obišli kompaniju Natron-Hayat, kao najveću u Maglaju, s ciljem da otvorimo određene teme koje su bitne za funkcionisanje ove kompanije. Također, pomenuli smo infrastrukturne projekte, koji su od zajedničkog interesa, te predstavili rad općinske administracije.“

Nermin Nikšić, federalni premijer, kazao je kako će Vlada Federacije BiH nastojati da

da svoj doprinos projektima u općini Maglaj.

„Ovom posjetom želimo da ohrabrimo službe lokalne administracije da i dalje apliciraju projekte prema Vladi Federacije i resornim ministarstvima. Vlada Federacije BiH će nastojati da da svoj doprinos projektima u općini Maglaj. Moram istaći, impresioniran sam onim što sam vidio u Natron-Hayatu. To je privredni gigant o kojem se mora povesti računa i iza kojeg mora stati država“, rekao je premijer Nikšić.

Nakon obilaska kompanije Natron-Hayat, održali su sastanak u zgradi Općine Maglaj i tom prilikom razgovarali su o potencijalnim projektima koji bi se trebali realizovati, kao i privrednom razvoju općine Maglaj.



ZAKAZANA 28. REDOVNA SJEDNICA OPĆINSKOG VIJEĆA MAGLAJ

Dvadeset osma redovna sjednica Općinskog vijeća Maglaj bit će održana u četvrtak, 22.06.2023. godine u sali Općinskog vijeća Maglaj sa početkom u 09:00 sati. Predloženi dnevni red sadrži devet tačaka, te vijećnička pitanja i inicijative.

Općinsko vijeće Maglaj bi trebalo razmatrati: *Prijedlog Odluke o imenovanju Općinskog pravobranioca Općine Maglaj, Prijedlog Odluke o davanju saglasnosti na Odluku Nadzornog odbora Komunalnog javnog društva d.o.o. Maglaj o izmjeni Odluke o cijeni vode i odvodnji kanalizacije, Izvještaj o radu Javne ustanove Dom kulture Maglaj, Program rada Javne ustanove Dom kulture Maglaj, Izvještaj o radu Javne ustanove Centar za*

socijalni rad Maglaj, Program rada Javne ustanove Centar za socijalni rad Maglaj, Izvještaj o radu Javne ustanove Narodna apoteka Maglaj i Program rada Javne ustanove Narodna apoteka Maglaj.

Također, predviđeno je razmatranje: *Izvještaj o radu Javne ustanove Narodna biblioteka Maglaj, Program rada Javne ustanove Narodna biblioteka Maglaj, Izvještaj o radu Javne ustanove Dom zdravlja Maglaj, Prijedlog kriterija za dodjelu stipendije redovnim studentima I i II ciklusa studiranja sa područja općine Maglaj za akademsku 2022/2023. godinu, kao i Informacija o stanju i kretanju nezaposlenosti i zapošljavanja na području općine Maglaj za 2022. godinu.*



SVEČANO OTVORENO 51. STUDENTSKO LJETO U MAGLAJU

U petak, 16. juna 2023. godine otvoreno je 51. Studentsko ljeto u Maglaju. Maskenbal, defile ulicama grada, dječiji festival „Malo ljeto“ i vatromet sa Tvrđave bili su dio sadržaja otvaranja internacionalne manifestacije.

Okupljanje svih učesnika svečanog defilea bilo je u novom gradskom parku, a dječaci i djevojčice u najljepšim i najmaštovitijim kostimima ponovno su izazvali divljenje građana.

Festivalsku zastavu koju su nosili učenici generacije osnovnih i srednjih škola: Lejla Kadušić, Dženana Čarama, Adna Hasanbašić i Faris Sejmenović, na jarbol kod Općine Maglaj podigli su Mirsad Mahmutagić, Općinski načelnik Maglaj i Selver Mahmić, uspješni maglajski sportista (MMA borac). Na maglajskoj Tvrđavi zastavu je podigao Kenan Hrnjić, najuspješniji sportista, kajakaš.



U Starom Gradu održan je dječiji festival „Malo ljeto“, a prisutnima se predstavilo šesnaest solista uz pratnju hora, kojeg su činili učenici Osnovne škole „Maglaj“ i „Prve osnovne škole“ Maglaj. Sve njih pripremale su nastavnice muzike Esena Ruvić i Ermelina Herceg, a Alen Ruvić pripremio je dječije pjesme i pobrinuo se za njihov prepoznatljiv zvuk.

Na pozornici su se predstavili: Lamija Mačković, Amar Mahmutagić, Neva Zeynep Yakar, Dunja Smajlagić, Nađa Blitović, Nadira Omerović, Nerma Halilović, Nadija Mehinagić, Merjem Bilić, Lenna Herceg, Ajša Kalabić, Šejla Hodžić, Iman Nefić, Emina Mulasmajić, Lamija

Mehinagić i Azra Kalabić. Lamija Salkić i Mona Herceg bile su voditeljice programa, a ceremonija svečanog otvaranja 51. „Studentskog ljeta“ završena je veličanstvenim vatrometom sa maglajske Tvrđave.





ODRŽANA 28. REDOVNA SJEDNICA OPĆINSKOG VIJEĆA MAGLAJ

Dvadeset osma redovna sjednica Općinskog vijeća Maglaj održana je 22.06.2023. godine. Vijećnici su razmatrali devet tačaka dnevnog reda.

Usvojena je Odluka o imenovanju Općinskog pravobranioca Općine Maglaj, Izvještaj o radu Javne ustanove Narodna biblioteka Maglaj, Program rada Javne ustanove Narodna biblioteka Maglaj i Prijedlog kriterija za dodjelu stipendije redovnim studentima I i II ciklusa studiranja sa područja općine Maglaj za

akademsku 2022/2023. godinu.

Prijedlog Odluke o davanju saglasnosti na Odluku Nadzornog odbora Komunalnog javnog društva d.o.o. Maglaj o izmjeni Odluke o cijeni vode i odvodnji kanalizacije vraćena je nadležnim službama na doradu, a Informacija o stanju i kretanju nezaposlenosti i zapošljavanja na području općine Maglaj za 2022. godinu primljena je k znanju.

Potrebnu većinu nisu dobile sljedeće tačke dnevnog reda: Izvještaj o

radu Javne ustanove Dom kulture Maglaj, Program rada Javne ustanove Dom kulture Maglaj, Izvještaj o radu Javne ustanove Centar za socijalni rad Maglaj, Program rada Javne ustanove Centar za socijalni rad Maglaj, Izvještaj o radu Javne ustanove Narodna apoteka Maglaj, Program rada Javne ustanove Narodna apoteka Maglaj, kao i Izvještaj o radu Javne ustanove Dom zdravlja Maglaj.

Na kraju sjednice, postavljena su vijećnička pitanja i pokrenute vijećničke inicijative.



REVIJA
URBANE
KULTURE



JU Dom Kulture
"EDHEM MULABDIĆ"
Maglaj



HELEM NEJSE

PETAK 30 2023
06

NOVI GRADSKI PARK U 20,00 SATI

MAGLAJ SKETCH BATTLE
od 18,00 sati



U periodu maj-juni 2023. godine
na prigodan način upućene su čestitke povodom:

- Međunarodnog praznika rada
- Međunarodnog dana vatrogasaca
 - Svjetski dan Crvenog križa
 - Dana Osnovne škole „Maglaj“
 - Godišnjice rada RTV Maglaj
- Dana pobjede nad fašizmom i Dana Evrope
 - Dan zlatnih ljiljana i logoraša
- Dana policije Zeničko-dobojskog kantona
 - Dana prve osnovne škole Maglaj
- Završetka osnovnog i srednjeg obrazovanja
 - Kurban-bajrama